

**BOSNA I HERCEGOVINA
FEDERACIJA BOSNE I HERCEGOVINE
VLADA**

PRIJEDLOG

**O D L U K A
O UTVRĐIVANJU PROGRAMA PROVOĐENJA STATISTIČKIH
ISTRAŽIVANJA OD INTERESA ZA FEDERACIJU BOSNE I HERCEGOVINE
ZA PERIOD 2013.-2016.GODINE**

Sarajevo, oktobar 2013. godine

Na osnovu člana 18. stav 4. Zakona o statistici u Federaciji Bosne i Hercegovine („Službene novine Federacije BiH”, br. 63/03 i 9/09) Parlament Federacije Bosne i Hercegovine, na sjednici Predstavničkog doma Parlamenta Federacije Bosne i Hercegovine održanoj dana _____ i na sjednici Doma naroda Parlamenta Federacije Bosne i Hercegovine održanoj dana _____ na prijedlog Vlade Federacije Bosne i Hercegovine, donosi

**ODLUKU
O UTVRĐIVANJU PROGRAMA PROVOĐENJA STATISTIČKIH ISTRAŽIVANJA
OD INTERESA ZA FEDERACIJU BOSNE I HERCEGOVINE
ZA PERIOD 2013.-2016 GODINE**

I

Ovom odlukom se utvrđuje Program provođenja statističkih istraživanja od interesa za Federaciju Bosne i Hercegovine za period 2013. - 2016. godine (u daljnjem tekstu: Program provođenja statističkih istraživanja), koji će se provoditi na teritoriji Federacije Bosne i Hercegovine.

II

Program provođenja statističkih istraživanja nalazi se u prilogu ove odluke i čini njen sastavni dio.

III

Program provođenja statističkih istraživanja finansirat će se iz sredstava Federalnog zavoda za statistiku koja se obezbjeđuju u Budžetu Federacije Bosne i Hercegovine.

IV

Federalni zavod za statistiku i drugi ovlašteni organi za poslove statistike su odgovorni za provođenje Programa provođenja statističkih istraživanja.

V

Ova odluka stupa na snagu osmog dana od dana objavljivanja u „Službenim novinama Federacije BiH”.

OBRAZLOŽENJE
PRIJEDLOGA ODLUKE O UTVRĐIVANJU PROGRAMA
PROVOĐENJA STATISTIČKIH ISTRAŽIVANJA OD INTERESA
ZA FEDERACIJU BOSNE I HERCEGOVINE ZA PERIOD 2013.-2016. GODINE

I. ZAKONSKA OSNOVA ZA DONOŠENJE ODLUKE

Zakonska osnova za donošenje ove odluke sadržana je u odredbi člana 18. stav 4. Zakona o statistici u Federaciji Bosne i Hercegovine („Službene novine Federacije BiH”, broj 63/03 i 9/09) kojom je utvrđeno da Nacrt Programa provođenja statističkih istraživanja od interesa za Federaciju Bosne i Hercegovine (u daljnjem tekstu: Program statističkih istraživanja) priprema Federalni zavod za statistiku, a donosi ga Parlament Federacije BiH na prijedlog Vlade Federacije Bosne i Hercegovine.

II. RAZLOZI ZA DONOŠENJE ODLUKE

Statistička istraživanja u Federaciji Bosne i Hercegovine za period 2013. - 2016. godine provodit će se u skladu sa Programom statističkih istraživanja od interesa za Federaciju Bosne i Hercegovine.

Prilikom izrade Prijedloga Programa statističkih istraživanja Federalni zavod za statistiku se, u pogledu sadržaja Programa statističkih istraživanja, konsultovao sa svim federalnim ministarstvima i sa organima i organizacijama koji su ovlašteni za provođenje statističkih istraživanja (Federalno ministarstvo rada i socijalne politike, Federalno ministarstvo raseljenih osoba i izbjeglica, Federalno ministarstvo pravde, Federalni zavod za zdravstvenu zaštitu, Federalni zavod za zapošljavanje, Agencija za bankarstvo Federacije Bosne i Hercegovine, Federalni meteorološki zavod, Federalni zavod za programiranje i razvoj, Federalno ministarstvo finansija, Federalno ministarstvo energije, rudarstva i industrije, Federalno ministarstvo obrazovanja i nauke, Federalno ministarstvo kulture i sporta, Federalno ministarstvo trgovine, Federalno ministarstvo zdravstva, Federalno ministarstvo prostornog uređenja i okoliša i Federalno ministarstvo poljoprivrede, vodoprivrede i šumarstva, Federalno ministarstvo turizma, Zavod za javno zdravstvo, Federalni zavod zdravstvenog osiguranja i reosiguranja, Federalni zavod PIO/MIO i dr.).

Prihvatljive primjedbe i sugestije ugrađene su u Prijedlog Programa statističkih istraživanja.

Program statističkih istraživanja je usklađen sa Statističkim programom Bosne i Hercegovine, Kompendijumom statističkih zahtjeva statističke komisije, UN Fundamentalnim principima zvanične statistike, te Kodeksom prakse evropske statistike.

Prioritetni zadaci ovog Programa su nastavak harmonizacije sa EU standardima i regulativama, preuzetim obavezama iz Sporazuma o stabilizaciji i pridruživanju, kao i aktivnosti na pripremi i sprovođenju Popisa stanovništva, domaćinstva i stanova u Bosni i Hercegovini 2013. za područje Federaciji Bosne i Hercegovine i Popisa poljoprivrede.

Programom statističkih istraživanja definisan je okvir rada statistike Federacije Bosne i Hercegovine, misija, vizija, vrijednosti i glavni faktori podrške za realizaciju statističke aktivnosti, prioritetni zadaci, osnovni ciljevi statistike Federacije Bosne i Hercegovine u periodu 2013.-2016.godine, kao i prioritetne aktivnosti po statističkim područjima.

III. OBRAZLOŽENJE PREDLOŽENIH PRAVNIH RJEŠENJA

Tačkom I i II Prijedloga odluke je utvrđeno da će se statistička istraživanja na području Federacije Bosne i Hercegovine u periodu 2013. - 2016. godine provoditi prema Programu statističkih istraživanja od interesa za Federaciju Bosne i Hercegovine za period 2013. - 2016. godina, koji je sastavni dio ove odluke.

Tačkom III je utvrđeno da će se sredstva za provođenje Programa statističkih istraživanja obezbijediti u Budžetu Federacije Bosne i Hercegovine.

Tačkom IV je utvrđena odgovornost Federalnog zavoda za statistiku i drugih ovlaštenih organa za poslove statistike za provođenje Programa statističkih istraživanja.

Tačkom V je utvrđeno da Odluka stupa na snagu osmog dana od dana objavljivanja u „Službenim novinama Federacije BiH“.

IV. FINANSIJSKA SREDSTVA POTREBNA ZA PROVOĐENJE ODLUKE

Finansijska sredstva za provođenje ove odluke obezbjeđuju su u Budžetu Federacije Bosne i Hercegovine.